

“KLIMAMETRAJE” Klima Aldaketari buruzko gazteen film laburren II. Lehiaketa 2023ko edizioa

PARTE HARTZEKO OINARRIAK

1. **ANTOLATZAILEA:** [Ihobe](#), Eusko Jaurlaritzako Ekonomiaren Garapen, Jasangarritasun eta Ingurumen Sailari atxikitako Ingurumen Jarduketarako Sozietate Publikoa.

2. **HELBURUA:** **Euskal Autonomia Erkidegoko gazteak mobilizatzea klima erronkei eta horien ekintza gaitasunari aurre egiteko, film laburren lehiaketa baten bidez.** Lehiaketa hau, hain zuzen, teknologia berrien bidez ikus-entzunezko sorkuntza hedatzera bideratuta dago, ikus-entzunezko sortzaile gazteen talentuari esker larrialdi eta ekintza klimatikoa ezagutarazteko modu berriak aurkitzeko asmoz. Horretarako, honako gai hau ezarri da: **“Ekintza klimatikoa. Zer ekintza egin ditzakegu klima aldaketari aurre egiteko?”**, non positiboki baloratuko den ekiten hasteko, klima aldaketa arintzeko eta espero diren inpaktuetara egokitze baliagarriak izango diren motibazio mezuak txertatzea.

3. **PARTE HARTZAILEAK:**

Lehiaketa ikus-entzunezko eta ingurumeneko ezagutzak eta/edo kezak dituzten gazte taldeei zuzenduta egongo da.

Parte hartzen duten pertsona/taldeek honako **baldintza** hauek bete beharko dituzte:

- 18 eta 30 urte bitartean izatea, 2023ko irailaren 29an.
- Bizilekua EAEn izatea.

- Bi film labur onartuko dira parte hartzen duen talde bakoitzeko.
- Talde batek, parte hartu ahal izateko, 2-5 pertsona izan beharko ditu.

Kanpo geratzen dira:

- Administratiboki edo penalki zehatuta dauden edo horretarako ezgaitzen dituen legezko debekuren bat duten pertsonak, Emakumeen eta Gizonen Berdintasunerako otsailaren 18ko 4/2005 Legearen arabera sexu diskriminazioagatik eragindakoak barne.

4. AURKEZTUTAKO LANETARAKO BALDINTZAK

A. BALDINTZA OROKORRAK

- Lanek 2023ko irailaren 29tik 2023ko urriaren 31ra bitartean egindakoak izan behar dute.
- Lanak formatu digitalean sortu behar dira. Edozein teknika onartzen da, azken emaitzak 1920 x 1080 pixeleko HD tamaina duen bitartean; MOV, H264 fitxategi formatuak.
- Piezek ezin izango dute 30 segundo baino gutxiagoko iraupena izan, ezta 3 minutu baino gehiagokoa ere.
- Film laburrek lokuzioa badute, Euskal Autonomia Erkidegoko hizkuntza ofizialeko edozeinetan onartuko dira.
- Aurkeztutako obretan erabiltzen den musika egile eskubiderik gabea izango da, eta bestela, egileak arduratuko dira aurkeztutako obran erabiltzeko behar diren erabilera eskubideak eskuratzeaz.
- Ez da onartuko edukia (zuzenean edo zeharka) publizitatekoa, sustapeneko edo telesalmentakoa izatea, ez eta produktu edo marka jakin baten gaineko beste edozein jarduera komertziala duen ikus-entzunezko grabaziorik ere.
- Ez da inola ere onartuko giza eskubideak errespetatzen ez dituen edo eduki iraingarriak dituen sorkuntzarik.

5. LEHIAKETAREN PROZEDURA: IZEN EMATEA

- Deialdia 2023ko irailaren 29ko 00:00etatik 2023ko urriaren 31ko 23:59ra arte

egongo da zabalik.

- Izena emateko, www.festhome.com webgunera jo beharko da, eta parte hartzeko eskaera orria online bete.
- Film labur bakoitza parte hartzeko inprimakiaren datuetan agertzen den pertsona fisikoaren izenean erregistratuko da, pertsona taldea ordezkatzuz. Antolakuntzak suposatzen du talde horrek irudiei zein erabilitako musikari buruz aurkeztutako obraren gaineko eskubideak izan badituela, eta, beraz, ez du bere gain hartuko lehiakideen eraginez horrek ekar lezakeen erantzukizunik. Parte hartzeko inprimakiko datuetan agertzen den pertsona fisikoa eta zuzendaria bi pertsona desberdin badira, sariaren onuraduna film laburra zuzentzeko ardura duen pertsona izango da.
- Parte hartzaileek lehiaketa kudeatzeko beharrezkoak diren euren datu pertsonalen tratamendua onartzen dutela adieraziko dute.
- Ihobe sozietate publikoko edo Eusko Jaurlaritzako Ekonomiaren Garapen, Jasangarritasun eta Ingurumen Saileko langileek ezin izango dute lehiaketan parte hartu.

6. SARIAK

Hainbat profiletako emakumeek eta gizonek osatutako epaimahai batek, bai ikus-entzunezko sektorearen atalekoak, bai klima aldetaren eta horrek dakartzan ingurumen ondorioen azterketaren eremukoak, honako sari hauek emango ditu:

- Epaimahaiaren saria film labur onenari: **1.500 €**
- Publikoaren saria film labur onenari: **5 VIP sarrera BBK LIVE 2024 jaialdirako**

Sariak proiektua inskribatzen duen pertsonari emango zaizkio, nahiz eta saria bere taldeko kideekin partekatu beharko duen, modu arduratsuan.

7. LEHIAKETAREN BILAKAERA

- Deialdi honen oinarriekin bat datozen eta oinarri hauetan ezarritako eskakizun eta baldintza teknikoak betetzen dituzten obra guztiak lehiaketa fasera pasatuko dira.
- Lehiaketaren epaimahaiak lehiaketara onartutako film labur guztiak ikusi eta epaia emango du. Hala, oinarri hauetan ezarritako sariak banatuko ditu.

- Lehiaketa ebatzi ondoren, antolakuntzak izena ematean emandako datu guztiak egiaztatzeko eskatuko die saridunei.
- Lehiaketaren antolakuntzak aurrerapen nahikoarekin jakinaraziko du noiz/nola izango den sari banaketa. Saritutako lanaren egileak aurrez aurre jasoko du saria.
- Lehiaketaren bilakaeran aurreikusi gabeko edozein gorabehera gertatzen bada, eta oinarri hauetan berariaz jaso ez bada, antolakuntzaren irizpidearen arabera ebatziko da. Era berean, materiala modu txarrean iristen bada edo iristen ez bada, antolakuntza ez da erantzule izango.

8. JABETZA INTELEKTUALEKO ESKUBIDEEN DEFINIZIOA

Ikus-entzunezko grabazio bat bidaltzen duen pertsonak (hemendik aurrera, "titularra"), parte hartzeko eskubidea aurkeztean, oinarri hauetan jasotako eskubide eta betebeharrak guztiak oso-osorik eta askatasunez onartzen dituela egiaztatzen du.

Titularrak egiaztatu du:

- A. Gehienez 5 pertsonako eta gutxienez 2ko talde bat ordezkatzeko duela.
- B. Bere ikus-entzunezko grabazioa (bai forman, bai edukietan) jatorrizkoa dela, eta ez beste edozeinen kopia bat.
- C. Grabazioak ez duela legerik urratzen edo bortxatzen; alegia, ez duela eskubide pertsonalen aurka egiten, eta ez duela difamatzen, manipulatzeko edo ez dituela nortasunaren eskubideak edo babes daitezkeen beste ondasun juridiko batzuk iraintzen.
- D. Grabazioa ustiatzeko eskubideak dauzkala, eta ildo horretan, grabazioaren titulartasun baketsua bermatzen diola Ihoberi. Zehazki, eta aurrekoaren garapen gisa, titularrak honako hauei buruzko baimenak eta eskubideak dituela egiaztatzen du:

d.1) Horretarako berariaz sortutako ikus-entzunezko eduki eta osagai guztiak.

Horien artean hauek nabarmendu daitezke:

d.1.1) txertatutako musika eta musika partiturak

d.1.2) gidoiak eta beste testu batzuk

d.1.3) kamerarien, errealizadoreen... funtzioak

d.1.4) sartutako lokuzioak eta/edo azpituduluak

d.1.5) grabazio lekuari, bertan agertzen diren pertsonei eta abarri buruzkoak

d.2) Aldez aurretik eginda dauden eta grabazioan txertatzen diren edozein motatako obra edo sorkuntza guztiak.

- E. Ihebek ez du ikus-entzunezko grabazioaren edukiarekiko erantzukizunik hartzen, grabazio horren jatorria eta ekoizpena erabat arrotzak zaizkion heinean.
- F. Saridunek Ihoberi lagako dizkiote obrak erakusteko eskubideak, honako baldintza hauetan: Ihebek film labur irabazlea publikoki komunikatzeko eta URTEBETEKO (1) epean, eta munduko edozein herrialdetan emititzeko eskubidea izango du, bere komunikazio kanalen bidez, eta horietan espresuki txertatu beharko da webgunea: www.ihobe.eus. Lagapen horrek ez du eskusibotasun izaerarik.
- G. Ikus-entzunezko grabazioak bidaltzea, baita Ihoberen alde egiten den eskubideen lagapena eta horien egikaritzea ere doako ekintzak izango dira.
- H. Ihebek eskubidea du bidalitako materiala bere beharren arabera erabiltzeko. Materiala ezabatu ahal izango da (eta, ondorioz, webgunean txertatu gabe edo komunikazio kanaletan argitaratu gabe geratu) bidalketa arauak betetzen ez badira, edo grabazioaren edukia oinarriekin bat ez datorrela uste bada, edo edukia eta/edo tratamendua direla-eta dibulgaziorako edo emisiorako egokiak ez diren irudiak baditu.
- I. Ihobe lanaren talde titularrekin jarri ahal izango da harremanetan, emandako informazio batzuk egiaztatzeko, eta baita garrantzitsutzat jotzen diren datu batzuk osatzeko edo horien egiazkotasuna ziurtatzeko ere. Titularrak konpromisoa hartzen du horretan ere lankidetzat handiena eskaintzeko.

9. IHOBEREN PRIBATUTASUN-POLITIKA

A. Tratamenduaren arduraduna.

- Ihobe, Eusko Jaurlaritzako Ekonomiaren Garapen, Jasangarritasun eta Ingurumen Saileko Ingurumen Sailburuordetzari atxikitako sozietate publikoa.
- NIF A01024223
- Helbidea: Urkixo zumarkalea, 36, 6. 48011 Bilbo, Bizkaia
- Datuen babeserako ordezkariaren kontaktua. lopdp@ihobe.eus

B. Tratamenduaren xedea.

Ihobek zure datu pertsonalak tratatuko ditu honako xede hauetarako:

- Lehiaketan izango duzun parte hartzea kudeatzea eta horren berri ematea.
- Parte-hartzaileen irudiak edo grabazioak eginez gero, horiek lehiaketaren berri emateko erabiliko dira doan eta denbora mugagabe, une bakoitzean arlo horretan aplikatu beharreko legeria errespetatuz.
- Lehiaketa amaitzen denean, zure datu pertsonalak xede horretarako gordeko dira lehiaketa amaitu arte eta/edo Ihoberi erantzukizunak ekar diezazkion lege ezarritako aldia amaitu arte.

C. Tratamenduaren legitimazioa.

Lehiaketan parte hartzea izapidetzeko, zure datuak tratatzeko lege-oinarria honako hau da: datuak babesteko erregelamendu orokorraren 6.1.b) artikulua. Tratamendu hori beharrezkoa da parte-hartzailea parte den kontratu bat gauzatzeko.

D. Lagapenen edo transferentzien hartzaileak.

Zure datu pertsonalak ez zaizkie lagako beste pertsona edo enpresa batzuei beren helburuetarako erabiltzeko. Hala ere, Ihobek azpikontratutako erakunde batzuek datu pertsonalak eskuratu ditzakete, tratamenduaren arduradun edo azpiarduradun gisa, Ihoberi beharrezkoa den zerbitzu bat emateko. Bereziki, Ihobek hirugarren hauen laguntza jasotzen du adierazitako zereginetarako:

- Pacay: lehiaketaren eta parte hartzaileen kudeaketan laguntzea.

Ihobek ziurtatu egiten du erakunde horiek guztiak bete egiten dutela datuak babesteko araudia, eta araudi hori ere zuzenean aplikatu behar zaiela. Ez da aurreikusten datu pertsonalen nazioarteko transferentziarik egitea, eta, beraz, Europar Batasunean tratatuko dira.

E. Interesdunen eskubideak.

Datuak eskuratzeko, zuzentzeko, horien aurka egiteko eta ezerezteko eskubideak edozein unetan erabili ahal izango dituzu Bilboko Urkixo zumarkaleko 36. zenbakiko 6. solairuan (48011) edo helbide elektronikoa honetan: lopdp@ihobe.eus

10. OINARRIAK ETA ERANTZUKIZUNA ONARTzea

Lehiaketan parte hartzeak bere oinarriak osorik onartzea dakar, baita parte hartzaileek oinarriari eta legokiekeen beste edozein ekintza administratibo edo judizialari buruzko

inpugnazioak egiteari berariaz uko egitea ere.

Erantzukizuna:

- Antolakuntzak lehiaketa honen oinarriak edozein unetan interpretatzeko eta aldatzeko eskubidea du, edo lehiaketa baliogabetu edo ondorioz gabe uzteko eskubidea, betiere horretarako arrazoi justifikaturik badago. Kasu guztietan, konpromisoa hartzen du parte hartzaileei aldatutako oinarrien berri emateko, edo, hala badagokio, lehiaketa bertan behera geratu dela adierazteko, webgune honetan: www.ihobe.eus.
- Parte hartzaileek konpromisoa hartzen dute ematen duten informazioa osoa, egiazkoa eta eguneratutakoa izan dadin; nolahi ere, antolakuntzak ez du horren benetakotasuna egiaztatuko eta, beraz, ez du bere bizkar hartuko akats, omisio edo faltsukerietatik eratorritako erantzukizunik.
- Parte hartzaileek edozein erantzukizunetatik salbuesten dute Ihobe kasu hauetan: parte hartzailearen batek egindako plagioaren edo indarrean dagoen legeriaren beste edozein urraketaren ondorioz.
- Erreklamazioa edo gatazka gertatuz gero, bai parte hartu beharreko pertsonak, bai antolakuntza bera, Bizkaiko auzitegien jurisdikzioaren mende jarri beharko dira.

11.ZERGA-BETEBEHARRAK

Sariak indarrean dagoen zerga-legediaren mende egongo dira, eta irabazleak bere gain hartuko ditu saria jasotzearen ondorioz dagozkion zerga-betebeharrak.

Atxikipenen ondorioetarako, esleitutako sariaren balioa 300 eurotik gorakoa bada, Ihoberen kontura egingo da konturako diru-sarrera, eragiketaren sortzapen-datan indarrean dauden tasen arabera. Konturako diru-sarrera ez zaio irabazleari jasanaraziko, eta Ihobek hartuko du bere gain. Beraz, diru-sarrera horrek irabazleak jasotako gauzako sariak baino balio handiagoa izango du.

Era berean, eta hala badagokio, Ihobek atxikipenen eta konturako diru-sarreraren ziurtagiria igorriko dio irabazleari, azaldutako araudiaren arabera.

12. HARREMANETARAKO

Ihobe, Ingurumen Jarduketarako Sozietate Publikoa



Urkixo zumarkalea 36 - 6. solairua, 48011 - BILBO

Telefono zenbakia: 94 423 07 43

Helbide elektronikoa: klimametraje@ihobe.eus

